

## — 370 —

vsgerichtet wirt, das ich han geheissen gen, als hienach geschriben stat. Das ist, ich heisse vnd wil, das man gebe mim kappelan dem Osterberg zehen pfunt pfenning friburger münz, vnd min geteilt gewant, vnd den zwiualten guoten mantel, vnd der vorgeantent pfruonde zem Münster einen. Erharten zehen pfunt pfenning vnd die panzer vnd harnesch so er ieze het, vnd die zehen march vmb sin meiden, als vorgeschriben stat. Heinken zehen pfunt pfenning vnd sin meiden vnd sin harnesch so er ieze het. Berchtolt dem valkener fünf pfunt vnd sin meiden vnd sin panzer, vnd die valken alle, wand den edeln müßervalken, den sol er dem von Kapoltstein bringen. Den Zeken zwenzig pfunt pfenning rappen. Dem von Eggenheim dem barfuossen drissig guldin floren. Cuonrat Hemmerlin dem stetschreiber drissig guldin floren, sine schuoler zwene guldin. Eberharten des valkeners knecht drü pfunt pfenning vnd sin meiden. Rörichen zwei pfunt. Dem Keller sechs pfunt. Der von Heitersheim drü pfunt. Dem Köchelien zwei pfunt. Dem Karrer drissig schillinge. Heinrich dem jeger zwei pfunt vnd der hunde ein teil. Dem Strengen ein pfunt vnd zwene hunde. Aber die besten hund echtwe, Dietriche vnd Ruodolf schultheisen, ob sū sū han went, vnd ellū dü seil vnd wilde so ich han so darzuo höret. Item dem alten Schovschülin drü pfunt. Wechselin ze Birchiberg drü pfunt, Üllin dem vogeler ein pfunt. Dem Mörer zwei pfunt. Megellin ze Eschbach fünf pfunt, dem lütpriester da zwei pfunt. Der Pflugerin zwei pfunt. Mime fogt ze Glotter drü pfunt. Johansen Müller ze Gottenheim ein pfunt. Der Hademerschin vf Birchiberg zwei pfunt. Benzen der burger knecht ein pfunt. Clausen von Husen vnd den drin stotwertern ieklichem zehen schillinge. Werlin, Schovschülin vnd Micheln ieklichem zehen schillinge. Den vier bänwarten ieklichem fünf schillinge. Den drin loyffenden knechten ieklichem fünf schillinge. Dem Better zehen schilling. Den drin knechten zem ritter ieklichem fünf